



AN COIMISIÚN
EORPACH

An Bhruiséil, 12.5.2014
SWD(2014) 150 final

DOICIMÉAD INMHEÁNACH OIBRE DE CHUID AN CHOIMISIÚIN

ACHOIMRE FEIDHMIÚCHÁIN AR AN MEASÚNÚ TIONCHAIR

a ghabhann leis an doiciméad

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

maidir le fearais a dhóinn breoslaí gásacha

{ COM(2014) 258 final }

{ SWD(2014) 151 final }

DOICIMÉAD INMHEÁNACH OIBRE DE CHUID AN CHOIMISIÚIN

ACHOIMRE FEIDHMIÚCHÁIN AR AN MEASÚNÚ TIONCHAIR

a ghabhann leis an doiciméad

Togra le haghaidh

RIALACHÁIN Ó PHARLAIMINT NA hEORPA AGUS ÓN gCOMHAIRLE

maidir le fearais a dhóinn breoslaí gásacha

1. AN FHADHB A SHAINIÚ

In ainneoin go bhfuil ag éirí go maith le feidhmiú Threoir na bhFearas Gáis 2009/142/EC (GAD), tá tuairim fhorleathan ann go dteastaíonn roinnt feabhsuithe. Bhí formhóir na bhfhreagróirí ar an gComhairliúchán Poiblí (2011-2012) den tuairim sin chomh maith.

Leag an Comhairliúchán Poiblí agus an Staidéar um Measúnú Tionchair (2012) araon go leor béime ar shainaithint fíorfhadhbanna a d'fhéadfadh tarlú agus cúiseanna na bhfadhbanna sin. Léiríodh ó ghrinnanailís ar na sonraí go léir a bhí ar fáil agus ar na hathruithe molta nach raibh aon fhianaise ann chun údar a thabhairt don réim a leathnú mar gheall ar chúiseanna sábháilteachta. Maidir le feidhmiú an mhargaidh inmheánaigh, ní rabhthas in ann aon fhadhbanna sonracha a bhaineann le bacainní i gcoinne na trádála a shainaithint. Mar thoradh air sin, ní raibh aon údar le táirgí nua a chur faoin raon feidhme.

Níl athruithe móra i gceist sna réimsí atá le feabhsú. Ní thiocfaidh aon athrú ar an gcreat dlíthiúil agus is dócha nach mbeidh ach tionchair bheaga nó tionchair ar bith i gceist leis na hathruithe seo. Ní mór, mar sin féin, aghaidh a thabhairt ar na saincheistanna a leanas:

Saincheist 1: Treoir na bhFearas Gáis a ailíniú le Cinneadh Uimh. 768/228/EC maidir leis an gCreat Nua Reachtaíochta

Tá go leor de na fadhbanna ginearálta a aithníodh faoin gCreat Nua Reachtaíochta tugtha faoi deara chomh maith i gcomhthéacs chur chun feidhme Threoir na bhFearas Gáis, leithéidí na difríochtaí idir caighdeáin na seirbhísí a chuirtear ar fáil ag na comhlachtaí dá dtugtar fógra agus a gcuid cleachtas faireacháin agus meastóireachta. Meastar chomh maith go bhfuil an creat dlíthiúil casta agus neamhréireach.

Rinneadh grinnscrúdú cheana féin ar na roghanna éagsúla chun éifeacht a thabhairt don Chinneadh maidir leis an gCreat Nua Reachtaíochta sa Tuarascáil um Measúnú Tionchair maidir le Pacáiste Ailínithe an Chreata Nua Reachtaíochta. Ós rud é gurb ionann na roghanna agus a dtionchair i gcás Threoir na bhFearas Gáis, ní dhearnadh scrúdú ar na gnéithe seo sa Tuarascáil um Measúnú Tionchair maidir le Treoir na bhFearas Gáis.

Saincheist 2: Deireadh a chur leis an teorainn teochta 105°C ó shainiú an raoin feidhme

Tugadh an teorainn isteach ar dtús ós rud é go raibh na guaiseacha de dheasca brú i gcás na dtáirgí lena mbaineann faoi réir reachtaíochta náisiúnta i bhformhór na mBallstát tráth a glacadh Treoir na bhFearas Gáis. Tagann na guaiseacha seo faoi reachtaíocht um chomhchuíbhiú an Aontais Eorpaigh faoi láthair, rud a thugann le tuiscint nach bhfuil baol coinbhleachta le reachtaíocht náisiúnta a thuilleadh agus meastar, dá bharr, nach bhfuil aon chríoch úsáideach leis an eisiamh níos mó.

Saincheist 3: Na sainmhínithe atá in easnamh faoi láthair a thabhairt isteach

Níl foclaíocht shainmhíniú an raoin feidhme cruinn mar atá sé faoi láthair agus tá gá le léirthiscint dá bharr. An raon feidhme a shainiú trí liosta d'úsáidí táirgí a sholáthar is cúis leis seo, ach ní sholáthraítear aon sainmhínithe ar na húsáidí. Cé go ndearnadh go leor iarrachtaí chun an raon feidhme a léirthiscint roimhe seo níor soláthraíodh an deimhneacht dhlíthiúil agus an chobhsaíocht is gá atá iarrtha ag na geallsealbhóirí.

Saincheist 4: Ábhar neamhdhóthanach maidir le cur in iúl an chineáil gáis agus an brú soláthair lena mbaineann

Níl na cineálacha gáis ná brú an tsoláthair lena mbaineann faoi réir comhchuibhithe i gcreat Threoir na bhFearas Gáis. D'fhoill a áirithiú go bhfuil na sonraí cuí seo maidir le sábháilteacht agus feidhmiú ar fáil, ceanglaítear le hAirteagal 2(2) ar Bhallstáit an cineál gáis agus an soláthar brú lena mbaineann a úsáidtear ina gcríocha a shonrú.

Níl an fhaisnéis a shonraítear faoi láthair maidir leis na coinníollacha a bhaineann le soláthar gáis leordhóthanach.

Ós rud é nach leagtar síos i dTreoir na bhFearas Gáis na paraiméadair ba cheart a sholáthar ná ní dhéantar comhchuibhiú ar fhormáid an chur in iúl, tá gá leis na paraiméadair seo a chinneadh agus le comhfhoráid a shainiú d'fhoill leordhóthanacht agus inchomparáideacht na faisnéise a áirithiú. Chinnteofaí leis seo chomh maith go ndéileálfai go hiomchuí i dTreoir na bhFearas Gáis leis an méadú ar úsáid bhithgháis.

Saincheist 5: Soiléiriú maidir leis an gcaidreamh idir Treoir na bhFearas Gáis agus reachtaíocht an AE i dtaca le héifeachtúlacht fhuinnimh

Tá Bunriachtanas 3.5. faoi "úsáid réasúnach fuinnimh" an-chineálach i gcomparáid leis an mionsonrú ar na riachtanais agus na bearta cur chun feidhme lena mbaineann sa Treoir um Éicidhearthóireacht. Tá téarmaíocht Threoir na bhFearas Gáis as dáta chomh maith agus ní mór í a ailíniú leis an téarmaíocht nua-aimseartha a úsáidtear sa reachtaíocht is déanaí de chuid an AE maidir le héifeachtúlacht fhuinnimh.

Ós rud é go bhfuil reachtaíocht an AE maidir le héifeachtúlacht fhuinnimh ag athrú go tapa agus go dtabharfar isteach bearta nua cur chun feidhme faoin Treoir um Éicidhearthóireacht a mbeidh feidhm acu ar réimse níos mó i gcónaí d'fhearais gháis, is gá feidhmiú Bhunriachtanas 3.5 a shoiléiriú sa chás go bhfuil reachtaíocht níos sonraí ann.

Saincheist 6: Soiléireacht fhorálacha Threoir na bhFearas Gáis

Níor tugadh faoi deara aon fhadhbanna eile maidir le forálacha Threoir na bhFearas Gáis. Tá sé léirithe go bhfuil na rioscaí gáis a d'fhéadfadh eascairt ó fhearais agus feistis clúdaithe go maith faoi na Ceanglais Riachtanacha.

Tá roinnt ábhar imní níos leithne ann ó thaobh sábháilteachta de, nimhiú ó aonocsaíd charbóin go háirithe, arb é an chúis is mó báis é a bhaineann le fearais gháis. Tá an chosúlacht air go mbaineann na húdair imní ó thaobh sábháilteachta de le hábhair atá lasmuigh de raon feidhme Threoir na bhFearas Gáis, amhail easnamh maidir le suiteáil, easpa chothabhála agus mí-úsáid fearas.

Faoi láthair, ní shonraítear i dTreoir na bhFearas Gáis na prionsabail ghinearálta ó thaobh dearaidh de nach mór a chur i bhfeidhm d'fhoill sábháilteacht fearas agus feisteas a bhaint amach. Cé go meastar go gclúdaítear na prionsabail seo sna Ceanglais riachtanacha atá ann cheana féin, bheadh sé níos fearr iad a bheith sa téacs dlíthiúil d'fhoill a sheachaint, mar shampla, go n-úsáidfadh páirtithe mífhreagracha rabhaidh in áit táirgí atá sábháilte iontu féin

a dhearadh. Dhéanfaí tabhairt isteach na bprionsabal maidir le comhtháthú sábhailteachta faireachán ar an margadh a éascú chomh maith.

An gá le hidirghabháil phoiblí

Tá gníomhaíocht an AE sa réimse seo bunaithe ar Airteagal 114 den CFAE. Tá na gnéithe ar a dtugtar aghaidh sa chomhthéacs seo á rialú cheana féin faoi Threoir na bhFearas Gáis. Ní thugtar aghaidh go héifeachtach sa reachtaíocht seo ar na fadhbanna a aithníodh áfach. Is léir ón staidéar a rinneadh agus ó na conclúidí ar na roghanna a ndearnadh staidéar orthu nach mbeidh deireadh leis na fadhbanna seo mura ndéanfar athbhreithniú ar an Treoir.

2. ANAILÍS NA COIMHDEACHTA

Ar mhaithe le feidhmiú éifeachtach agus ceart an mhargaidh inmheánaigh tá gá le rialacha coiteanna d'fhearais gháis maidir le rioscaí sábhailteachta agus sláinte mar thoradh ar úsáid gháis agus maidir le héifeachtúlacht fhuinnimh na bhfearas sin chomh maith.

Ionas nach gcuirfeadh aon ghníomhaíochtaí a thógfaí ag an leibhéal náisiúnta bacainní ar shaorghluaiseacht fearas ní mór aon athrú maidir le raon feidhme, nósanna imeachta nó ceanglais a chur i gcrích ag leibhéal an AE. Chomh maith leis sin, beifear ag cur le soiléireacht dhlíthiúil, ag cur le laghdú chostais na monaróirí agus ag áirithiú go mbeidh comhchreat Eorpach maidir le fearais agus feistis a chur ar an margadh.

Tá baint ag prionsabal na coimhdeachta chomh maith maidir le forálacha nua an athbhreithnithe a bhaineann le hailíniú leis an gCinneadh maidir leis an gCreat Nua Reachtaíochta. Is léir ón taithí ar an ábhar gur eascair cineálacha cur chuige éagsúla laistigh den AE ó bhearta a tógadh ar an leibhéal náisiúnta, rud a bhaineann an bonn ó chuspóirí an Mhargaidh Inmheánaigh.

Is féidir na cuspóirí atá leagtha amach a bhaint amach i bhfad níos fearr le gníomhaíocht chomhordaithe ar leibhéal an AE, agus is féidir, go háirithe, faireachán margaidh níos éifeachtaí a chur i gcrích.

3. CUSPÓIRÍ

Leagtar amach cuspóirí an tionscnaimh seo i dTábla 1.

Tábla 1: Cuspóirí beartais ginearálta, sonracha agus oibríochtúla

GINEARÁLTA	SONRACH	OIBRÍOCHTÚIL
Sláinte agus sábháilteacht daoine a úsáideann fearais agus feistis gháis a chosaint níos fearr, chomh maith lena bhfeidhmiú iomchuí a áirithiú	Sonraí ábhartha leordhóthanacha maidir le feidhmiú agus sábháilteacht a bheith ar fáil maidir le coinníollacha an chreata a áirithiú	An cineál faisnéise nach mór a chur in iúl maidir leis na cineálacha gáis agus brú an tsoláthair lena mbaineann a úsáidtear sna Ballstáit a shonrú
	Soiléireacht na gceanglas a áirithiú	Na forálacha a shoiléiriú
Cothrom iomaíochta a fheabhsú d'oibreoirí eacnamaíocha na hearnála	Soiléireacht dhlíthiúil maidir le cur i bhfeidhm reachtaíocht níos sonraí an AE a áirithiú	Airteagal nua ginearálta maidir le reachtaíocht níos sonraí an AE a thabhairt isteach
		Ceanglas Riachtanach 3.5 maidir le húsáid réasúnach fuinnimh a shoiléiriú

An comhthéacs rialála Eorpach a shimpliú i réimse fearas agus feisteas gáis	Áirithiú go bhfuil reachtaíocht cothrom le dáta	Deireadh a chur leis an eisiámh as dáta maidir le fearais a bhfuil gnáth-theocht uisce níos airde ná 105°C acu.
	Soiléireacht an raoin feidhme a áirithiú	An raon feidhme a shoiléiriú trí shainmhínte earnáil-shonracha a chur ar fáil

4. ROGHANNA BEARTAIS

Rinneadh trí rogha éagsúla a mheas:

- (a) "dada a dhéanamh" mar rogha bhunlíne;
- (b) rogha "reachtaíocht bhog" (rogha malartach neamhreachtach a bhaineann le léirthuisctí a eisiúint); agus
- (c) rogha "beart reachtach" (an téacs dlíthiúil a athrú).

Rinneadh anailís ar leith ar na tionchair a bhain le gach rogha beartais i ndáil le gach ceann de na réimse feabhsúcháin a aithníodh. Ar dtús, rinneadh anailís cháilíochtúil ar leith ar na roghanna éagsúla beartais maidir le gach fadhb. Rinneadh grinnanailís ina dhiaidh sin ar thionchair shóisialta agus eacnamaíocha na roghanna go léir.

5. MEASÚNÚ TIONCHAR

Leagtar amach na cineálacha tionchair a mheastar gurb iad na cinn is ábhartha i dTábla 2.

Tábla 2: Na cineálacha tionchar is ábhartha maidir le hathbhreithniú Threoir na bhFearas Gáis

Réamhscagadh maidir le hÁbharthacht na dTionchar	
Cineál Tionchair	Ábhartha?
Tionchair eacnamaíocha	
Feidhmiú an mhargaidh inmheánaigh agus iomaíocht	Ábhartha
Iomaíochas, trádáil agus sruth infheistíochta	D'fhéadfadh a bheith ábhartha
Costais oibriúcháin agus seoladh gnólachtaí/FBManna	Ábhartha
Ualaí riaracháin ar ghnólachtaí	Ábhartha
Údaráis phoiblí	Ábhartha
Taighde agus nuálaíocht	D'fhéadfadh a bheith ábhartha
Tomhaltóirí agus teaghlaigh	Ábhartha
Tríú tíortha agus caidreamh idirnáisiúnta	D'fhéadfadh a bheith ábhartha
Tionchair shóisialta	
Fostaíocht agus margaí saothair	D'fhéadfadh a bheith ábhartha
Caighdeán agus cearta a bhaineann le cáilíocht phoist	D'fhéadfadh a bheith ábhartha
Sláinte agus sábháilteacht phoiblí	Ábhartha

Ós rud é nach bhfuil údar maith leis an raon feidhme a mhodhnú, ní bheidh aon athrú ar chreat dlíthiúil Threoir na bhFearas Gáis. Mar thoradh air sin, is iad na hoibreoirí eacnamaíocha agus na geallsealbhóirí eile céanna a bheidh i gceist agus is éard atá sna hathruithe molta ná iarracht le feabhas a chur ar inléiteacht agus soiléireacht an raoin feidhme, na mBunriachtanas agus na forálacha eile.

Ós rud é nach bhfuil ann d'fhadhbanna coinchréiteacha ar leith ar gá díriú orthu, is léir nach mbeidh tionchair shuntasacha eacnamaíocha, shóisialta ná chomhshaoil ag na modhnaithe molta ach amháin na miontionchair mar thoradh ar an soiléiriú, rud a dhéanfar cur i bhfeidhm Threoir na bhFearas Gáis a éascú. Dá bhrí sin, ní féidir sonraí cainníochtúla maidir le haon tionchair ar leith a fháil. Mar sin, déileáladh leis na miontionchair lena bhfuiltear ag súil ar shlí iomchuí trí mheasúnú cháilíochtúil a dhéanamh, le cur le cumas rogha na tosaíochta a aimsiú. Mar shampla, is féidir measúnú a dhéanamh chun a fháil amach cibé an gcuireann na hathruithe molta le sábháilteacht agus cibé an gcuireann éifeachtaí rogha ar leith réiteach seasmhach ar fáil don saincheist a aithníodh.

Rinneadh measúnú, chomh fada agus ab fhéidir, faoi na himpleachtaí costais a d'fhéadfadh titim ar mhonaróirí agus údaráis mar gheall ar chur i bhfeidhm athraithe molta. Ní mór a thabhairt faoi deara, áfach, nárbh fhéidir luach airgid a chur ar na héifeachtaí ós rud é nach ndéantar aon athrú i ndáiríre ar an gcreat dlíthiúil leis na hathruithe molta.

Is iad na tionchair shóisialta tairbhí sláinte agus sábháilteachta na suiteálaithe agus úsáideoirí fearas gáis. D'fhéadfadh go mbeadh tionchar beag dearfach ar fhostaíocht agus baint amach cuspóirí amhail sprioc An Eoraip 2020 le méadú 20% a fháil amach ó thaobh éifeachtúlachta fuinnimh de mar gheall ar an soiléireacht dhlíthiúil feabhsaithe agus infhaighteacht na sonraí ábhartha d'fhonn táirgí sábháilte agus éifeachtúil ó thaobh fuinnimh de a áirithiú.

Tá achoimre ar thorthaí na bpríomhthionchar agus a raon feidhme léirithe i dTábla 3.

Tábla 3: Na tionchair is ábhartha maidir le hathbhreithniú Threoir na bhFearas Gáis

Tionchair fhoroghanna na tosaíochta		Saincheist 2	Saincheist 3	Saincheist 4	Saincheist 5	Saincheist 6
Tionchar sóisialta		Ní bheidh aon tionchar ach amháin go ndéanfar sábháilteacht táirgí ag a bhfuil gnáth-theocht uisce níos airde ná 105°C a áirithiú	Laghdu beag ar líon na dtáirgí neamhchomhlíontacha	Feabhsaítear sábháilteacht úsáideoirí agus an tsuiteálaí	Cuirtear le sprioc An Eoraip 2020 a bhaint amach, laghdú ar líon na dtáirgí neamhchomhlíontacha	Feabhsaítear sábháilteacht úsáideora, laghdú ar líon na dtáirgí neamhchomhlíontacha
Tionchar eacnamaíoch	Tionchar ar iomaíocht has costais	Ceann ar bith	Cuireann soiléiriú ar an raon feidhmiú le léirithiú	Coigilt trí shoiléireacht theicniúil agus dhlíthiúil	Coigilt trí shoiléireacht theicniúil agus dhlíthiúil	Staid dhlíthiúil níos soiléire, faireachán margaidh níos éasca
	Tionchar ar chumas chun nuáil a dhéanamh	Ceann ar bith	Ceann ar bith	Ullmhacht níos fearr maidir le forbairt táirgí a infheistiú, rochtain níos éasca ar an margadh	Éascú ar fhorbairt táirgí	Ceann ar bith
	Tionchar ar iomaíocht has idirnáisiúnta	Ceann ar bith	Ceann ar bith	Ceann ar bith	Tagann feabhas ar an iomaíocht idirnáisiúnta le dearaí níos sofaisticiúla	Ceann ar bith
	Tionchar ar FBManna	Ceann ar bith	Ceann ar bith	Ceann ar bith	Ceann ar bith	Ceann ar bith

6. COMPARÁID IDIR NA ROGHANNA

Ar bhonn thoradh an ghrinnmheasúnaithe ar na roghanna, rinneadh comparáid lena fháil amach cé acu roghanna a mbeadh glantairbhí mar thoradh leo. Leagadh torthaí na gcomparáidí amach in aon tábla comparáide amháin d'fhonn na tionchair a léiriú agus chun roghanna na tosaíochta a roghnú (Tábla 4). Bhí éifeachtacht, éifeachtúlacht agus comhleanúnachas an rogha mar chuid de na critéir a úsáideadh chun measúnú á dhéanamh ar na roghanna.

Tábla 4. Comparáid idir na roghanna beartais

	Éifeachtacht	Éifeachtúlacht Tairbhí costais		Comhleanúnach as (an gcuireann an rogha le rialáil níos fearr agus le Gníomh um an Margadh Aonair)
Raon feidhme - Cuimsiú táirgí				
a) Ná déan aon rud	0	0	0	0
b) Reachtaíocht bhog	0 Ní bhainfear sainchuspóir amach ós rud é go mbeidh an teorainn teochta 105°C fós ann agus mar sin is féidir cur i bhfeidhm Threoir na bhFearas Gáis a sheachaint.	- Beidh na costais a bhaineann leis na riachtanais léirithe fós ann	0 Níor aithníodh aon cheann	0 Gan athrú, ní chuirfidh sé leis
c) Beart reachtach	++ Bainfear sainchuspóirí amach ina n-iomláine; sláinte agus sábháilteacht feabhsaithe; staid dhlíthiúil shoiléir	0 Tionchar ar bith ach cothrom iomaíochta níos fearr, go teoiriciúil, do mhonaróirí	+ Ualach riaracháin laghdaithe mar thoradh ar shoiléireacht dhlíthiúil, agus laghdú costais dá bharr	++ Rogha is fearr ó thaobh rannchuidithe de; staid dhlíthiúil shoiléir
Téarmaíocht earnáil-shonrach agus sainmhínithe				
a)	0	0	0	0
b)	+ Sainchuspóirí comhlíonta i bpáirt ach ní bhainfear soiléireacht dhlíthiúil amach; tiocfaidh riachtanais nua léirtheisceana chun cinn i gcás táirgí nuálacha	- Costas mar thoradh ar na riachtanais léirtheisceana a bheidh fós ann ar bhonn gach cáis	+ Laghdú beag ar líon na dtáirgí neamhchomhlíontacha	+ Cuirfear leis beagán
c)	++ Sainchuspóirí bainte amach ina n-iomláine mar thoradh ar shoiléiriú an raoin feidhme agus na gCeanglas Riachtanacha; staid dhlíthiúil shoiléir	0 Gan aon chostas ar leith; déanfar cur i bhfeidhm a éascú a bhuíochas don soiléireacht, coigilt mar thoradh air sin	++ Ualach riaracháin laghdaithe mar thoradh ar shoiléireacht dhlíthiúil; laghdú ar líon na dtáirgí neamhchomhlíontacha agus sábháilteacht níos fearr dá bharr	++ Rogha is fearr ó thaobh rannchuidithe de; staid dhlíthiúil shoiléir deimhnithe
An cineál gáis agus an brú an tsoláthair lena mbaineann a chur in iúl				
a)	0	0	0	0
b)	- Ní bhainfear sainchuspóirí amach mar go bhféadfadh spleáchas ar shonraí ábhartha sábháilteachta gan tras-sheiceáil a bheith mar thoradh ar threoir a chur ar fáil. d'fhéadfadh	- Costas a bhaineann leis an gá a bheidh ann le treoir a nuashonrú go minic, costais a bhaineann le deacrachtaí maidir le sonraí	- Níl aon ráthaíocht ann ó thaobh laghdú ar tháirgí neamhchomhlíontacha, d'fhéadfaí geallsealbhoirí a chur ar mhíthreoir má braitheann siad ar an dáta a fhoráiltear.	- Gan aon rannchuidiú

	dearaidh neamhshábháilte teacht ar an margadh, níl aon ráthaíocht ann ó thaobh cháilíocht na sonraí.	leordhóthanacha a fháil.		
c)	++ Sainchuspóirí bainte amach ina n-iomláine; cuirfear faisnéis sábháilteachta agus cur chun feidhme leordhóthanach ar fáil; staid dhlíthiúil shoiléir	++ Laghdófar costais mar gheall ar shonraí iontaofa a bheith ar fáil; laghdú ar ualach riaracháin; déanfar rochtain ar an margadh a éascú le bealaí chun comhoiriúnachta táirgí a fhíorú	++ Laghdú ar tháirgí neamhchomhlíontacha; laghdú ar chostais de bharr soiléireachta dhlíthiúil agus theicniúil; éascaítear forbairt táirgí	++ Rogha is fearr ó thaobh rannchuidithe de; staid dhlíthiúil shoiléir deimhnithe
Úsáid réasúnach fuinnimh				
a)	0	0	0	0
b)	+ Sainchuspóirí comhlíonta i bpáirt, soiléireacht níos fearr maidir le reachtaíocht níos sonraí, ach deacrachtaí fós ann maidir le na rialacháin ba cheart a chur i bhfeidhm a aithint.	- Costais a bhaineann le treoir a fhorbairt, costais ar mhonaróirí mar gheall ar an ualach riaracháin a bhaineann leis an reachtaíocht is infheidhme a aithint	+ D'éascófaí aithint reachtaíochta beagán le treoir; laghdú beag ar tháirgí neamhchomhlíontacha	0 Chuirfí leis beagán; gan aon athrú ar staid dhlíthiúil neamhshoiléir
c)	++ Sainchuspóirí bainte amach ina n-iomláine agus comhleanúnachas reachtaíocht an AE bainte amach; cuirfear soiléireacht dhlíthiúil ar fháil	+ Laghdú ar ualach riaracháin, éascú ar aithint reachtaíochta, ní dhéanfar ceanglais a fhorluí, spáráil airgid dá bharr.	++ Laghdú ar tháirgí neamhchomhlíontacha; déanfar forbairt táirgí nua a éascú le staid dhlíthiúil shoiléir	++ An rogha is fearr ó thaobh rannchuidithe de; cuirtear le sprioc An Eoraip 2020 maidir le héifeachtúlacht fuinnimh a fheabhsú; cuirtear le comhleanúnachas reachtaíocht an AE
Riachtanais				
a)	0	0	0	0
b)	0 Níl ann ach tionchair bheaga mar níor aithníodh aon lochtanna sna ceanglais atá ann faoi láthair	- Costais bheaga a bhaineann le treoir a fhorbairt	+ Laghdú beag ar líon na dtáirgí neamhchomhlíontacha	+ Cuirfear leis beagán
c)	++ Sainchuspóirí bainte amach ina n-iomláine, soiléireacht na gceanglas dlíthiúla áirithithe	+ Gan aon chostas ar leith ach amháin laghdú na gcostas maidir le faireachán ar an margadh	+ Ualach riaracháin laghdaithe de bharr inléiteachta feabhsaithe na gceanglas; déanfar faireachán ar an margadh a éascú	+ Cuirfear leis beagán

7. FAIREACHÁN AGUS MEASTÓIREACHT

Bunófar faireachán agus meastóireacht éifeachtacht na reachtaíochta ar aiseolas arna fháil trí na sásraí comhoibrithe éagsúla amhail an Mheitheal um Fhearaí Gháis agus grúpa um Chomhar Riaracháin Threoir na bhFearas Gáis.

Déanfaidh grúpa um Chomhar Riaracháin Threoir na bhFearas Gáis plé go háirithe ar na cláir náisiúnta um faireachas ar an margadh agus toradh chur i bhfeidhm na gclár sin, líon na dtáirgí neamhchomhlíontacha a braitheadh, an cineál neamhchomhlíonta, srl. Tabharfar cuireadh do na Ballstáit córas RAPEX, bunachar sonraí ICSMS chomh maith leis an nós imeachta fógartha maidir leis an gclásal cosanta a úsáid. Gheofar tuilleadh aiseolais ó na sásraí comhoibrithe arna soláthar ag Rialachán 765/2008 faoin gCreat Nua Reachtaíochta. Bainfear úsáid as táscairí éagsúla bunaithe ar eolas arna sholáthar ag na húdaráis chun faireachán a dhéanamh ar laghdú líon na dtáirgí neamhchomhlíontacha

I gcomhréir lena bheartas um "Rialáil chliste" déanfaidh an Coimisiún measúnú ar éifeachtacht Threoir na bhFearas Gáis laistigh de thréimhse 5 suas go 10 mbliain ar a mhéid tar éis dháta chur i bhfeidhm an Rialacháin.